



17. august 1012

UKA 2012/20

Inatsisartut suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nukissiorfiit/sanatitsisut aamma sanaartortitsisut akornanni inatsisinik atuinnakkut isumaqatigiinnngissutit illoqarfimmut nunaqarfimmulluunniit isumaqatigiinnngissuteqarfiusunit pilersorneqartunut agguataarinninnerit naatsorsuutinit peerneqarnissaat, taarsiullugulu nuna tamakkerlugu atuisunut tamanut nammaqatigiginneq atorlugu agguataarneqartarnissaat siunertaralugu akinut aalajangersakkanik aaqqissuussinerup maannakkut atuuttup nutarterneranut atatillugu maleruagassat atuuttut allanngortinnissaannik Naalackersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Naaja Nathanielsen, Inuit Ataqatigiit)

Tunngavilersuut

Pisimasuni arlaqartuni sumiiffinni ataasiakkaani atortorissaarutini pilersitsiniarnernut atatillugu Nukissiorfiit qitiusumik allaffeqarfianiit aallaavilinnik kukkusooqartarsimanera pillugu atuisut akiliisinneqartarsimapput. Akiligassat immikkut ittut Nukissiorfimit isumagineqartussat sumiiffinnut ataasiakkaanut ingerlateqqinneqartarsimallutik.

Akissanut aalajangersakkanut maannakkut aaqqissuussinermi akiliutit qaffasinnepaaffissaat aalajangersorneqarsimapput, taamatullu sumiiffinni ataasiakkaani akiliutissat inissinneqareersimallutik, taamaammallu akiliutissat qaffasinnepaaffissaanni aalajangersugaqaraluartoq qitiusumi sulinerup amigaateqarnera patsisigalugu atuisut ataasiakkaat akiliiseqqittarnissaat pisuusissamisoororinganngilaq.

Inatsisartut Suleriaasianni § 37 naapertorlugu apeqqutigineqartumut (nr. 2011-249) Naalackersuisut ulloq 17. januar 2012 akissuteqarlutik allapput isumaqatigiissitsiarnernut atatillugu suliarisamut taarsiissuteqarnenullu akiliutissat pillugit immikkut aalajangersagaqanngitsoq. Naalackersuisut akissutaat naapertorlugu imaappoq agguataarinnermut atatillugu naatsorsuusiorminni Nukissiorfiit akiligassanik inissitsinerinnermini iliuuserisartagaasa nassuiatitassaata immikkut nassaariniartariaqarnera takuneqarsinnaasoq.

Matumuuna siunnersuutigineqartumi agguataarinninnermut atatillugu naatsorsuusiorminni inatsisitigut isumaqatigiinnngissutsit tunngavigalugit sumiiffiit ataasiakkaat eqqorneqartarnissaasa pinaveersaartinniarneqarnissaa qulakkeerniarneqarpoq. Akiligassat taamaattut paarlattuanik nuna tamakkerlugu tamakkiisumik agguataarneqartariaqarput. Taamatulli oqareerluni ilanngullugu oqaatigisariaqarpoq anguniagassaq tassaasariaqarmat akiliutigisartakkat akerliu-sumik pineqartarnerinut tunngasut pinaveersaarluinnartariaqarmata.

Pisortanut aningaasatigut allaffissornikkullu kingunerisassat

Maleruagassanut allannguutissat aningaasaliissutaareersut iluini suliarineqarsinnaanissaat ilimagineqarpoq. Akiligassat ataasiakkaat sumiiffiup aalajangersimasup agguataarinninnermi naatsorsuutaannit peerlugit atuisunut tamanut agguataarneqarnissaat siunertaralugu suliasatut unammilligassat Nukissiorfinnut imaannaangissinnaavoq. Tassungalu atatillugu Nukissiorfiit allaffissornikkut aningaasartuuteqarnerulersinnaanerit naatsorsuutigisariaqarpoq.

Namminersorluni inuussutissarsiuteqarnermut aningaasatigut allaffissornikkullu kingunerisassat

Suliffeqarfik namminersortoq Nukissiorfiit sanatitsisullu akornanni inatsisitigut isumaqatigiinngissuteqarfiusumi inissisimasoq annikinnerulaartumik akiliisussannngortussaassaaq, suliffeqarfiilli allat annikitsumik akiliinerusariaqarsinnaalissallutik. Tamatumani annertunerpaaffissaanik akiliisoqartareersimanersoq imaluunniit suliffeqarfik Nukissiorfiit peqatigalugit immikkut isumaqatigiissusiorsimanersoq apeqqutaasussaassalluni.

Innuttaasunut aningaasatigut allaffissornikkullu kingunerisassat

Innuttaasut Nukissiorfiit sanatitsisullu akornanni inatsisitigut isumaqatigiinngiffiusuni najugaqartut annikinnerulaartumik akiliisussannngortussaassapput. Sumiiffik, tassanilu annertunerpaaffissaanik akiliisoqartareernersoq apeqqutaatillugit innuttaasut sumiiffinni allani najugaqartut akiliinerusariaqarsinnaassapput.